

Istiadat Kemahkotaan istimewa, keunikan Johor

JOHOR BAHRU 23 Mac - Para pemimpin negeri ini menyifatkan Istiadat Kemahkotaan Sultan Johor, Sultan Ibrahim Sultan Iskandar sebagai satu upacara istimewa yang menjadi kebanggaan dan merupakan satu petunjuk keunikan negeri ini.

Bagi mereka istiadat yang disempurnakan dengan penuh gilang-gemilang itu merupakan warisan yang mendefinisikan citra dan budaya masyarakat sekali gus akan menjadi kebanggaan kepada sesiapa sahaja yang menjadi rakyat negeri Permatas Selatan ini.

Setiasaha Kerajaan negeri, **Datuk Ismail Karim** berkata, setiap warga Johor mempunyai cara tersendiri dalam bersam-sama meraikan hari istimewa yang penuh bersejarah itu.

"Jadi saya melihat Istiadat Kemahkotaan ini sebagai satu upacara penting yang akan mengukuhkan kedaulatan Kesultanan Johor serta hubungan baik antara istana dengan rakyat.

"Apa yang saya harapkan usainya Istiadat Kemahkotaan ini, Sultan Ibrahim Sultan Iskandar Sultan Iskandar terus memperoleh ke-



ISMAIL KARIM



ABD. AZIZ KAPRAWI



HALIMAH MOHAMED SADIQUE

berkatan Allah SWT dan dapat bersemayam di atas takhta dengan dipelihara bagi melindungi seluruh rakyat di bawah jajahan takluknya," katanya sambil menjunjung kasih dan tahniah kepada Sultan Ibrahim.

Sementara itu, Timbalan Menteri Pengangkutan, **Datuk Abd. Aziz Kaprawi** turut menjunjung kasih dan tahniah kepada baginda atas istiadat bersejarah itu.

Abd. Aziz yang juga Ahli Parlimen Sri Gading yang mengenali baginda sejak menjadi Ahli Mesyuarat Kerajaan negeri (Exco) menyi-

fatkan Sultan Ibrahim seorang insan yang mudah didampingi.

Sebagai contoh, keakraban Sultan Ibrahim dengan rakyat diterjemahkan menerusi program Kembara Mahkota Johor (KMJ) yang diilham dan diperkenalkan oleh baginda semasa bergelar Tunku Mahkota Johor (TMJ).

"Menerusi program itu baginda dapat mengenali rakyat secara dekat dan menerusi kerajaan negeri yang kini dipimpin oleh Menteri Besar, Datuk Seri Mohamed Khaled Nordin, baginda mahukan semua permasalahan rakyat diberikan

perhatian dan diselesaikan segera.

"Sepanjang pengetahuan saya, baginda mudah untuk dibawa berbincang, menerima pandangan dan bersedia menjadi pendengar yang baik," katanya.

Bagi Timbalan Menteri Kesejahteraan Bandar, Perumahan dan Kerajaan Tempatan, **Datuk Halimah Mohamed Sadique**, Sultan Ibrahim mempunyai keunikan tersendiri kerana merupakan seorang sultan yang amat dinamik serta mahukan setiap pembangunan yang dilakukan mesti mendahulukan kepentingan rakyat.

Beliau yang juga Ahli Parlimen Tenggara berkata, hakikat itu dapat dilihat menerusi hubungan baik antara istana dengan kerajaan negeri sentiasa terpelihara terutamanya dengan Menteri Besar.

"Baginda tahu hubungan baik dengan Menteri Besar membolehkan segala dasar kerajaan dapat dilaksanakan dengan lancar dan seterusnya memberi manfaat dan kemakmuran kepada rakyat," katanya sambil menjunjung kasih dan tahniah kepada Sultan Ibrahim.